

**Protocol da la sezzüda dal Cussagl cumünal da lündeschdi,
15 gün 2009, a las 20.00, acta 20**

Preschaints: Jon Carl Rauch; Chasper Alexander Felix,
Marianne Werro-Lehmann, Jachen Andri Schmidt e
Georg Salomon
Rico Zini (protocol)

Tractandas:

164. Cumprita chamonna Marjers

Ils sclerimaints cul Chantun han muossà cha per ün müdamaint d'adöver voula ün permiss BAB (our da la zona). Uschè ün permiss nu vain, tenor explicaziun da l'Uffizi per il svilup dal territori concess. Q. v. d. ch'üna vendita ad ün persuna privata sco ch'id es l'intent da la Società d'alps e chascharia nun es pussibla. Tenor il dret d'hoz stuvezzan chamonnas chi nu vegnan plü douvradas per pastriglia perfin gnir levadas. Il cumün po metter a disposiziun a las differentas societats da muvel e da muvel manü, schi han üna jada dabsögn d'üna chamonna per la pastriglia. Vezziond il puncts survant, decida il Cussagl cumünal in assenza dal schef da god, da far adöver dal dret da prüma cumprita, resalv es chi's gnia d'accord cul predsches.

Chamonna Marjers

165. Protocol

Il Cussagl cumünal approva il protocol da la sezzüda dals 9 gün 2008, acta 19.

Protocol

166. Orientaziuns

1. Allianza da las Alps

Il schef da fabrica orientescha sur da la dieta organisada da l'Allianza da las Alps chi ha gnü lö ad Eppan (Tirol dal Süd). In ün discuors da podi s'haja pudü preschantar ils progets chi d'eiran, per la planisaziun, per part sustgnüdas cun raps our dal proget Dynalp2.

Orientaziuns

2. Lö per glied attempada (Tagesstätte)

La schefa da sanità orientescha sur da la nouva sporta da la chasa d'attempats a Scuol. In quel lö as poja, p. ex. manar a bunura l'attempà, chi vain quel di chürà, e la saira til s'poja ir darcheu per davo. Quist lö vain manà da sar Joachim Wurster chi sta a Sent.

3. Radunanza generala da la chasa Punt'Ota

La schefa da sanità orientescha sur da la radunanza generala da la chasa Punt'Ota chi ha gnü lö als 2 gün 2009 a Scuol.

167. Permiss da fabrica – Crusch Blaua - Fouras geotermicas

Sün dumonda da la Crusch Blaua decida il Cussagl cumünal da dar il permiss pel intent manzunà cun seguaintas cundiziuns:

1. Tenor la dumonda e'ls plans fats buns ed acclus al permiss da fabrica.
2. Il Cumün inchascha seguaintas taxas tenor il reglamaint da taxas e sia agiunta:
- taxa da trattamaint: fr. 100.--

Permiss da fabrica,
Crusch Blaua,
fouras geotermicas

168. Permiss da fabrica – Albert Lanter- Mürins - Stron

Sün dumonda da sar Albert decida il Cussagl cumünal da dar il permiss pel intent manzunà cun seguaintas cundiziuns:

1. Tenor la dumonda e'ls plans fats buns ed acclus al permiss da fabrica.
2. Il Cumün inchascha seguaintas taxas tenor il reglamaint da taxas e sia agiunta:
- taxa da trattamaint: fr. 50.--

Permiss da fabrica,
Albert Lanter,
mürins, Stron

169. Permiss da fabrica – Donnerstag Ursina- Bankin

Sün dumonda da dna. Ursina decida il Cussagl cumünal da dar il permiss pel intent manzunà cun seguaintas cundiziuns:

1. Tenor la dumonda e'ls plans fats buns ed acclus al permiss da fabrica.
3. Il Cumün inchascha seguaintas taxas tenor il reglamaint da taxas e sia agiunta:
- taxa da trattamaint: fr. 50.--

Permiss da fabrica
Ursina Donnerstag,
bankin, Chasellas

170. Dumonda da fabrica – Thomas Hugentobler- Müdamaints interns ed externs

Il schef da fabrica orientescha cha sar Thomas voul tanter oter eriger üna lobgia sur l'entrada. Il Cussagl cumünal decida da laschar far al büro Stauffer e Studach ün'expertisa per quai chi pertocca l'estetica da quista lobgia.

Dumonda da fabrica,
Thomas Hugentobler,
müdamaints interns ed
externs, Chasellas

172. Proget chamonna Darsüra

Il schef da god orientescha cha la chamonna Darsüra nu saja plü sufficiainta, impustüt per la part chi riguarda l'igièna. Id es fich greiv da far alch inandret our da quista chamonna. Ils cuosts miss insembel per müdamaints illa chamonna s'amuntan sün fr. 150'000.--. Il Cussagl cumünal manaja cha l'investiziun saja fich ota e chi's stess far amo sclerimaints a regard la sarinera e dumandar al Chantun schi's pudess eventual tilla sbodar e far sü in quel lö üna nouva.

Chamonna Darsüra

173. Decisiun a regard taxas d'erbadi

Il Cussagl cumünal sustegna la proposta cha'ls cuosts implü cha la Società da bescha ha cun metter bescha our d'cumün vegnan spartits sü sün tuot ils paurs. Quists cuosts vegnan a partir dal 2009 inchaschats nouv tras l'erbadi. Pels cuosts cha la Società da bescha ha gnü pel 2008 (fr. 10'370.--) ed ils cuosts da l'administraziun (fr. 500.--) vegnan surtuts dal cumün e debità al conto agricul. Il Cussagl cumünal sustegna plainamaing la proposta dal cusgliader agricul Riet Pedotti.

Taxas d'erbadi

174. Predschs 2009

Il Cussagl cumünal adattescha ils predschs per maschinas e las pajas per lavurs temporarias a man da l'arcumandaziun da la FAT.

Predschs 2009

175. Diversas schefs

1. Radunanza cumünala

Il capo prevezza d'infuormar aint illa prossma radunanza cumünala suot varia seguaints affars cumünals:

- Collavuraziun culla pulizia chantunala
- Constituziun cumünala – votumaziuns a l'urna
- Cità d'energia (idea da tschüffer il label)

2. Forum dal Parc Naziunal

Il capo scumparta ün fögl, elavurà dal forum economic da la regiun dal PN, cun visiuns ed ideas per l'avegnir da la regiun dal Parc Naziunal. Forsa cha'l Cussagl cumünal ha amo alch propostas chi's pudess integrar.

Diversas schefs

3. Dumonda per retrar aua da la fontana da Spinatscha

Causa müdamaint dal sistem da sauar i'l chomp da frajas dumonda dna. Sabina e sar Fadri Stricker da pudair retrar aua da la fontana da la Spinatscha. Il Cussagl cumünal decida ch'el possa retrar l'aua cun seguaintas cundiziuns:

- Retrar aua as poja be pel scopo dumandà (pel chomp da frajas)
- La taxa annuala importa: Fr. 50.--
- Il permiss vaglia pel on 2009

Ün permiss permanent vain fixà in collavuraziun culla meglioraziun.

Fin da la sezzüda: 23.20

L'actuar: